

Na osnovu člana 72. stav (3) tačka c). Zakona o javnim nabavkama („Službeni glasnik BiH“, broj: 39/14), te akta Odustajanje od Ugovora o osiguranju zaposlenih od posljedica nesretnog slučaja broj: 01-30202-1484/2017 od 25.05.2017. godine, zaprimljenog od najuspješnijeg ponuđača za nabavku usluga osiguranja zaposlenih, „CENTRAL OSIGURANJE“ DD SARAJEVO, Rukovodilac službe-Pomoćnik gradonačelnika za Službu za opću upravu i zajedničke poslove, donosi

## **ODLUKU**

**o dodjeli ugovora drugorangiranom ponuđaču za LOT2.-Nabavka usluga osiguranja zaposlenih**

### **Član 1.**

Ugovor za LOT2.-Nabavka usluga osiguranja zaposlenih dodjeljuje se drugorangiranom ponuđaču „EUROHERC OSIGURANJE“ DD SARAJEVO a nakon što je najpovoljniji ponuđač u pisanoj formi odustao od ugovora.

### **Član 2.**

Ovom odlukom stavlja se van snage član 1. stav 3. Odluke o izboru najpovoljnijeg ponuđača broj: 02-14-3345-2017 od 08.05.2017. godine kojim se ugovor za LOT2.-Nabavka usluga osiguranja zaposlenih dodjeljuje ponuđaču „CENTRAL OSIGURANJE“ DD SARAJEVO, PODRUŽNICA TUZLA.

### **Član 3.**

Ova odluka se dostavlja drugorangiranom ponuđaču „EUROHERC OSIGURANJE“ DD SARAJEVO i ista će se objaviti na web-stranici ugovornog organa ([www.tuzla.ba](http://www.tuzla.ba)) istovremeno s upućivanjem drugorangiranom ponuđaču.

### **Član 4.**

Ova odluka stupa na snagu danom donošenja.

## **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-14-3345-2017 od 12.04.2017. godine.

Postupak nabavke je proveden putem konkurentskog zahtjeva za dostavu ponuda za koji je objavljeno obavještenje o nabavci broj: 1004-7-2-11-3-22/17 na Portalu javnih nabavki dana 14.04.2017. godine.

Postupak nabavke provela je Komisija za nabavke imenovana Rješenjem broj: 02-14-3345-2017 od 12.04.2017. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

za LOT1. Nabavka usluga osiguranja vozila

- da je ukupan broj pristiglih ponuda 8 (osam);
- da je blagovremeno zaprimljeno 8 (osam) ponuda;
- da je nije bilo neblagovremenih ponuda;
- da je 7 (sedam) blagovremeno dostavljenih ponuda prihvatljivo a 1 (jedna) ponuda neprihvatljiva.

za LOT2. Nabavka usluga osiguranja zaposlenih

- da je ukupan broj pristiglih ponuda 7 (sedam);
- da je blagovremeno zaprimljeno 7 (sedam) ponuda;
- da nije bilo neblagovremenih ponuda;
- da su sve blagovremeno dostavljene ponude prihvatljive.

Nakon što je izabran najpovoljniji ponuđač za LOT2.- Nabavka usluga osiguranja zaposlenih isti je, nakon što mu je ponuđen ugovor, u pisanoj formi odustao od ugovora te je ugovorni organ postupio u

skladu sa člana 72. stav (3) tačka c). Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove odluke.

**POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**Služba za opću upravu i zajedničke poslove**  
**Broj: 02-14-3345-2017**  
**Tuzla, 29.05.2017. godine**

**Rukovodilac službe-Pomoćnik gradonačelnika**  
**za Službu za opću upravu i zajedničke poslove**

**Siniša Mihajlović, dipl.pravnik**